



SIPA jača saradnju s Njemačkom

Ambasador Njemačke u BiH Christian Hellbach, sa saradnicima, posjetio je jučer Državnu agenciju za istrage i zaštitu (SIPA) i sastao se sa direktorom Pericom Stanićem. Direktor SIPA zahvalio je na podršci u radu, a zajednički je zaključak da je dosadašnja saradnja bila uspješna, te da će u narednom periodu biti unaprijeđena. Na sastanku je razgovarano i o aktuelnim sigurnosnim izazovima u BiH i svijetu, te naporima SIPA u borbi protiv svih vidova kriminala, a posebno u borbi protiv terorizma i organiziranog kriminala. Ambasador Hellbach čestitao je direktoru Staniću na imenovanju i zaželio mnogo uspjeha u radu.